

6. gr.

Stjórn úreldingarsjóðs, eða starfsmaður sem hún ræður, greiðir allar skuldir útgerðaraðila, sem styrk fær, að því maki sem styrktarfé hrekkur til. Leitað skal samkomulags við kröfuhafa um afslátt af kröfum, sem sanngjarn getur talist, þ. m. t., af skuldabréfum, sem eru til langs tíma og með vöxtum, sem eru lægri en almennir lánavextir.

Sjóðsstjórn skal jafnan gæta þess, að forgangskröfur séu greiddar á undan öðrum kröfum svo að öllum veðböndum áhvílandi viðkomandi skipi, sem eyða skal eða taka á úr rekstri sem fiskiskip, sé aflýst.

7. gr.

Styrkþega er skylt að sjá til þess að skipi, sem styrkur er veittur til, verði eytt eða það tekið endanlega úr umferð sem fiskiskip. Sjóðsstjórn er heimilt að halda eftir hluta af veittum styrk til tryggingar því, að framangreindu skilyrði verði fullnægt. Stjórn sjóðsins skal ákveða það hverju sinni, hversu miklum hluta af veittum styrk skuli haldið eftir í þessu skyni.

Stjórn sjóðsins er og heimilt að veita sérstakan styrk til að kosta eyðingu fiskiskips. Skal upphæð styrksins miðuð við hófleg mörk að mati sjóðsstjórnar og aldrei vera hærri en sem nemur raunverulegum kostnaði. Skal styrkþegi sanna kostnað, ef sjóðsstjórn krefst þess, með því að leggja fram kostnaðarreikninga, sem sjóðsstjórn metur gilda.

8. gr.

Reglugerð þessi er sett samkvæmt heimild í lögum nr. 5 13. febrúar 1976 samanhver lög nr. 2 1. febrúar 1980 til að öðlast þegar gildi og birtist til eftirbreytni öllum þeim, sem hlut eiga að máli.

Sjávarútvegsráðuneytið, 1. febrúar 1980.

Kjartan Jóhannsson.

Ingimar Einarsson.

S A M Þ Y K K T

um hundahald í Suðureyrarhreppi.

1. gr.

Hundahald er bannað í Suðureyrarhreppi.

2. gr.

Þeim, sem áttu hunda fyrir 31. júlí 1979 er heimilt að halda þeim til 1. september 1980 með eftirfarandi skilyrðum:

- Skrá skal hund á skrifstofu hreppsins.
- Greiða skal sérstakt gjald til sveitarsjóðs, sem sveitarsjóður ákveður, og skal upphæð gjaldsins miðast við þann kostnað sem hreppurinn hefur af skráningu og eftirliti með hundum.
- Ábyrgðartryggja skal hunda hjá viðurkenndu váttryggingarfélagi og leggja fram skirteini því til sönnunar.

- d) Hundur skal aldrei ganga laus á almannafæri heldur vera í taumi í fylgd með aðila, sem hefur fullt vald yfir honum. Eigi er leyfilegt að fara með hunda inn í samkomuhús, skólahús, matvöruverslanir eða aðra staði, þar sem matvæli eru um hönd höfð.
- e) Hundeiganda ber að hlíta að öðru leyti lögum og reglum, er hundahald varða (þ. á. m. reglum um hreinsun hunda og greiðslu hundaskatts) svo og fyrir-mælum heilbrigðisnefndar.

3. gr.

Hreppsnefnd Suðureyrarhrepps er heimilt að víkja frá ákvæðum 1. gr. um bann við hundahaldi svo og ákvæðum 2. gr. um tímabundið leyfi til hundahalds, í eftirtöldum tilvikum:

- a) Þegar lögregluþyriföld sækja um leyfi til að halda hund vegna löggæslustarfa.
- b) Þegar blindir menn sækja um leyfi til að halda hund sér til leiðsagnar.
- c) Þegar sótt er um leyfi til að halda hund fyrir fólk með sálræn vandamál en þá skal liggja fyrir umsögn læknis og félagsráðgjafa.
- d) Þegar sótt er um leyfi fyrir minkahunda.

4. gr.

Ofangreind samþykkt hreppsnefndar Suðureyrarhrepps staðfestist hér með samkvæmt lögum nr. 7/1953 um hundahald og varnir gegn sullaveiki, og lögum nr. 12/1969 um hollustuhætti og heilbrigðiseftirlit, til þess að öðlast gildi þegar við birtingu. Jafnframt falla úr gildi ákvæði um hundahald í 109. gr. heilbrigðissamþykktar fyrir Suðureyrarhrepp frá 11. des. 1962.

Heilbrigðis- og tryggingamálaráðuneytið 28. janúar 1980.

F. h. r.

Páll Sigurðsson.

Ingimar Sigurðsson.

AUGLÝSING

um staðfestingu á aðalskipulagi í Ólafsvík.

Samkvæmt skipulagslögum nr. 19 21. maí 1964 hefur ráðuneytið hinn 25. janúar 1980 staðfest uppdrátt af aðalskipulagi Ólafsvíkur.

Uppdráttur þessi hefur hlotið þá meðferð sem lög nr. 19/1964 gera ráð fyrir og hefur verið samþykktur af hreppsnefnd Ólafsvíkur og skipulagsstjórn ríkisins.

Jafnframt er úr gildi felldur aðalskipulagsuppdráttur sá af Ólafsvík, sem staðfestur var af félagsmálaráðuneytinu 6. maí 1975 sbr. auglýsingu nr. 212/1975, sem birt var í B-deild Stjórnartíðinda.

Félagsmálaráðuneytið, 28. janúar 1980.

F. h. r.

Hallgrímur Dalberg.

Hólmfríður Snæbjörnsdóttir.